



Općina Stari Grad Sarajevo
Općinski Načelnik

Municipality of Stari Grad Sarajevo
Municipality Mayor

STRUČNA SLUŽBA KABINETA OPĆINSKOG NAČELNIKA

Broj: 01-04-4-2386/25
Sarajevo, 26.08.2025. godine

Općinski načelnik Općine Stari Grad Sarajevo, putem Stručne službe kabineta Općinskog načelnika, na osnovu člana 28. stav (2) Statuta Javnog komunalnog preduzeća "Općine Stari Grad" društvo sa ograničenom odgovornošću ("Službene novine Kantona Sarajevo", broj: 26/25) i Odluke o proceduri, uslovima i standardima imenovanja članova Skupštine Javnog komunalnog preduzeća "Općine Stari Grad" d.o.o. ("Službene novine Kantona Sarajevo", broj: 30/25) raspisuje:

JAVNI KONKURS

za imenovanje predsjednika i članova Skupštine JKP "Općine Stari Grad" d.o.o.

I – PREDMET JAVNOG KONKURSA

Raspisuje se javni konkurs za imenovanje predsjednika i članova Skupštine JKP „Općine Stari Grad“ d.o.o.

II – OPIS POZICIJE

Skupština Preduzeća je nadležna da samostalno odlučuje o:

- a) donosi Poslovnik o svom radu;
- b) donosi Etički kodeks Preduzeća;
- c) imenuje i razrješava predsjednika i članove Nadzornog odbora;
- d) imenuje i razrješava predsjednika i članove Odbora za reviziju;
- e) određuje visinu i način isplate naknade predsjedniku i članovima Nadzornog odbora;
- f) određuje visinu i način isplate naknade predsjedniku i članovima Odbora za reviziju;
- g) glasa o povjerenju predsjedniku i članovima Nadzornog odbora dvije godine od dana imenovanja;
- h) odobrava plan poslovanja, strategiju Preduzeća i investicije Preduzeća, te donosi odluke o ostvarivanju trajne poslovne saradnje sa drugim društvima na prijedlog Nadzornog odbora uz obavezno mišljenje Odbora za reviziju;
- i) kupovini, prodaji, zamjeni, uzimanju lizinga i kredita te drugim transakcijama imovinom, direktno ili posredstvom supsidijarnih društava i toku poslovne godine u obimu većem od 33% knjigovodstvene vrijednosti imovine Preduzeća po bilansu stanja na kraju prethodne godine, na prijedlog Nadzornog odbora uz obavezno mišljenje Odbora za reviziju;
- j) odobrava korištenja sredstava iz fonda rezervi i posebnog fonda na osnovu prijedloga direktora i usvojene odluke Nadzornog odbora;
- k) donosi odluku o usvajanju godišnjeg izvještaja o poslovanju Preduzeća, čiji obavezan dio čini finansijski izvještaj, izvještaj o radu Nadzornog odbora i izvještaj o radu Odbora za reviziju;
- l) odlučuje o drugim bitnim pitanjima vezanim za nemoetan rad i funkcionisanje Preduzeća.

Skupština Preduzeća je nadležna da uz Saglasnost Općinskog vijeća Stari Grad odlučuje o:



- a) Odlučuje o osnivanju, reorganizaciji i likvidaciji Preduzeća;
- b) Donosi Statut Preduzeća, te usvaja njegove izmjene i dopune;
- c) Odlučuje o raspodjeli godišnje dobiti i pokriću gubitaka;
- d) Odlučuje o povećanju i smanjenju osnovnog kapitala;
- e) Donosi odluke o Statusnim promjenama Preduzeća.

III – OPĆI I POSEBNI USLOVI

Kandidat za imenovanje predsjednika i člana Javnog komunalnog preduzeća “Općine Stari Grad” d.o.o., Sarajevo mora ispunjavati opće i posebne uslove:

Opći uslovi

1. da su stariji od 18 godina, a mlađi od 65 godina na dan imenovanja;
2. da su državljani BiH i da imaju prebivalište u BiH;
3. da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije objavljivanja upražnjene pozicije;
4. da se na njih ne odnosi član IX 1. Ustava Bosne i Hercegovine;
5. da nisu osuđivani za krivično djelo i za prekršaj nespojiv sa dužnošću u Skupštini, pet godina od dana pravosnažnosti presude, isključujući vrijeme zatvorske kazne;
6. da nisu lica kojima je presudom suda zabranjeno obavljanje aktivnosti u nadležnosti Skupštine;
7. da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji Bosne i Hercegovine;
8. da nisu članovi Uprave ili Nadzornog odbora ili Odbora za reviziju Preduzeća ili zaposlenici Preduzeća.

Posebni uslovi

1. univerzitetska diploma VII stepena stručne spreme, odnosno visoko obrazovanje prvog ciklusa Bolonjskog sistema studiranja sa najmanje 180 ECTS bodova, ili drugog ili trećeg ciklusa Bolonjskog sistema studiranja iz ekonomskih, tehničkih, pravnih, društvenih ili prirodnih nauka,
2. najmanje tri godine iskustva u struci nakon sticanja univerzitetske diplome, odnosno visokog obrazovanja.

VI – SPISAK POTREBNIH DOKUMENATA KOJIMA SE DOKAZUJE ISPUNJENOST OPĆIH I POSEBNIH USLOVA ZA IMENOVANJE

(1) Kandidati su dužni priložiti sljedeću dokumentaciju kojom dokazuju ispunjavanje općih i posebnih uslova traženih Javnim konkursom:

- prijavu na Javni konkurs za predsjednika i člana Javnog komunalnog preduzeća "Općine Stari Grad" d.o.o., Sarajevo
- kraća biografija,
- diploma o završenoj stručnoj spremi (nostrificirana diploma ako fakultet nije završen u BiH ili je diploma stečena u nekoj drugoj državi nastaloj raspadom bivše SFRJ nakon 06.04.1992. godine),
- potvrdu/uvjerenje o radnom iskustvu,
- uvjerenje nadležnog suda da se protiv kandidata ne vodi krivični postupak (ne starije od tri mjeseca),
- uvjerenje o državljanstvu (ne starije od šest mjeseci) ili ovjerenu kopiju lične karte izdate od nadležnog MUP-a,
- izvod iz matične knjige rođenih i
- izjave kandidata ovjerene kod nadležnog općinskog organa za ispunjavanje općih uslova Javnog konkursa.

(2) Sva dokumentacija dostavlja se u originalu ili ovjerenoj kopiji.

VII – IZNOS NAKNADE

Naknada za rad u Skupštini preduzeća utvrđuje se u Odluci o imenovanju i davanju ovlaštenja za vršenje funkcije predsjednika Skupštine preduzeća.

VIII – DUŽINA TRAJANJA MANDATA

Predsjednik i članovi Skupštine imenuju se na period od 4 (četiri) godine sa mogućnošću ponovnog izbora više puta bez ograničenja.

IX – ROK ZA PODNOŠENJE PRIJAVE NA KONKURS

Javni konkurs ostaje otvoren 14 (četnaest) dana od posljednje objave.

X – ADRESA ZA DOSTAVLJANJE PRIJAVE SA DOKUMENTACIJOM

Prijave na Javni konkurs dostaviti putem protokola Općine ili preporučenom poštom na adresu:

OPĆINA STARI GRAD SARAJEVO
ul. Zelenih beretki br. 4
71000 Sarajevo

sa naznakom: "Prijava na Javni konkurs za imenovanje Skupštine JKP „OSG“ d.o.o.
– NE OTVARATI“

Na poledini koverta je obavezno je naznačiti ime i prezime podnosioca prijave.

Nepotpune i neblagovremene prijave kao i prijave kandidata koji ne ispunjavaju uslove iz Javnog konkursa neće se uzeti u meritorno razmatranje.

Broj: 01-04-4-2386125
Sarajevo, 26.08.2025. godine

